

Ed.

50. Frumvarp til laga

[45. mál]

um breyting á lögum nr. 115 29. des. 1951, um bráðabirgðabreyting á lögum nr. 56/1927, um skemmtanaskatt og þjóðleikhús, o. fl.

Flm.: Jón Kjartansson, Gisli Jónsson.

1. gr.

1. gr. laganna breytist þannig:
1. Fyrir orðin „42% skattsins renni í rekstrarsjóð þjóðleikhússins“ í a-lið kemur: 27% skattsins renni í rekstrarsjóð þjóðleikhússins.
 2. Fyrir orðin „35% skattsins renni í félagsheimilasjóð“ í c-lið kemur: 50% skattsins renni í félagsheimilasjóð.

2. gr.

Lög þessi öðlast þegar gildi.

Greinargerð.

Með frv. þessu er lagt til, að félagsheimilin fái aftur þann hluta skemmtana-skattsins, er þau nutu til ársloka 1952, eða 50% skattsins.

Eitt af frumskilyrðum þess, að unga fólkis fáist til þess að dvelja í sveitum landsins, er, að unnt sé að halda þar uppi heilbrigðu félagslifi. En til þess að menningarbragur sé á skemmtana- og félagsstarfinu, þarf góð og vistleg húsakynni. En þessu er einmitt mjög ábótavant, einkum í sveitunum. Úr þessu hafa félagsheimilin bætt nokkuð, en þeim miðar allt of skammt áfram, og veldur þar mestu fjárskortur. Hér er lagt til, að ofur litil bót verði á þessu ráðin með því að láta félagsheimilin fá aftur 50% skemmtanaskattsins í stað 35%, sem til þeirra rennur nú.